



CONCELLO DE VIGO
Secretaría de Goberno Local

D^a. PATRICIA RODRIGUEZ CALVIÑO, CONCELEIRA-SECRETARIA DA XUNTA DE GOBERNO LOCAL DO CONCELLO DE VIGO

C E R T I F I C O: Que a Xunta de Goberno Local, na **sesión ordinaria do 22 de marzo de 2024**, adoptou o seguinte acordo:

20.- EXPEDIENTE PRORROGADO DE SUBVENCIONS PARA O FOMENTO DO ASOCIACIONISMO E A PARTICIPACIÓN CIDADÁ DO ANO 2023. EXPTE. 11183/320.

A Xunta de Goberno Local, co quorum regulamentario, acorda declara-la urxencia do asunto de referencia por estar fóra da orde do día, de conformidade coa xustificación que consta no expediente aportada polo servizo correspondente.

Visto o informe de fiscalización de 19/03/2024, sométese a aprobación o informe-proposta do 18/03/2024, asinado pola xefa de Participación Cidadá e conformado polo concelleiro delegado, o concelleiro da Área de Goberno e o concelleiro da Área de Goberno de Orzamentos e Facenda, que di o seguinte:

ANTECEDENTES

I. Por acordo da Xunta de Goberno Local, en sesión ordinaria de 8 de xuño de 2023, aprobáronse as bases reguladoras das subvencións para o fomento do asociacionismo e a participación cidadá para a ano 2023.

Ditas bases foron publicadas no BOP núm. 118 do 20 de xuño de 2023, así como, na páxina web do Concello de Vigo, promovéndose a concorrencia de solicitudes polo prazo de 15 días hábiles, a contar dende o seguinte da publicación do extracto da convocatoria no Boletín Oficial da Provincia de Pontevedra (26 de xuño de 2023).

II. O concelleiro delegado de Participación Cidadá e Distritos, conforme ao establecido no apartado 11^a das bases da convocatoria procedeu ao nomeamento dos titulares da Comisión de Valoración, que unha vez reunida en xuntanza do 23/08/2023, conforme á información e documentación obrante no expediente, procedeu a realizar a avaliación das solicitudes presentadas cos resultados expostos na acta da comisión asinada por todos os seus compoñentes, acordando estimar a relación das corenta e cinco (45) entidades as que se lle propón conceder subvención, para os Programas para os que solicitou axuda, así como desestimar (total ou parcialmente) as solicitudes que non cumprían coas condicións e requisitos establecidos para acadar a condición de beneficiaria, e ter por desistida a solicitude achegada no documento nº: 230291062 o 12.09.2023.

O proceso de outorgamento das subvencións realizouse en base aos cálculos detallados nos baremos que constan no expediente da convocatoria, e conforme aos criterios de valoración establecidos na cláusula décima das bases reguladoras da convocatoria.



Copia do documento - Concello de Vigo	Data impresión: 04/07/2024 04:03	Páxina 1 de 4
SUBVENCIONS	CSV: A2A455-B2A45B-8A843F-1D163G-6YCGRT-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

III. Formulada a correspondente proposta, foi fiscalizada favorablemente pola Intervención Xeral Municipal en data 20/10/2023.

IV. Mediante acordo da Xunta de Goberno Local, en sesión ordinaria do 27 de outubro de 2023, aprobouse o acordo de concesión con identificación das beneficiarias e contía outorgada, así como a desestimación e desistimento, respectivamente, das subvencións para o fomento do asociacionismo e a participación cidadá para a ano 2023. Así mesmo, acordouse modificar o prazo de xustificación das subvencións outorgadas, regulado na cláusula décimo terceira das bases, ao día **15 de NOVEMBRO de 2023** e consecuentemente, considerar como gastos subvencionables os realizados dende o 2 de novembro de 2022 ata a nova data de finalización do prazo de xustificación (15 de novembro de 2023).

FUNDAMENTOS DE DEREITO

O presente procedemento de subvencións iniciouse de oficio mediante convocatoria aprobada polo órgano competente (art. 20 da LSG) e tramitouse en réxime de concorrencia competitiva, de acordo co art. 22.1 da LXS.

EXPEDIENTE PRORROGADO:

Debido ao retraso producido na tramitación das presentes subvencións, este servizo xestor non tramitou toda a xustificación das ditas subvencións no ano do outorgamento, polo que cómpre que a imputación orzamentaria se faga con cargo ao crédito deste ano 2024, de xeito que as entidades beneficiarias que xustificaron dentro do prazo, non perdan o dereito.

As Bases de Execución do Orzamento Municipal establecen o seguinte:

· **Base 38 de execución do Orzamento:** non caberá a posibilidade de que unha subvención concedida no ano poida ser incorporada como remanente ao orzamento do ano seguinte, polo que, se a beneficiaria non xustificou dentro do prazo, perderá o dereito, e se o servizo xestor non tramitou a xustificación no ano do outorgamento, a imputación orzamentaria farase con cargo ao crédito do ano seguinte, diminuindo a dispoñibilidade de crédito dese ano...

· **Base 29 de execución do Orzamento:** os expedientes de gasto iniciados nun exercicio e que por calquera causa non se chegue a concretar a contía do seu compromiso poderán terminarse no seguinte exercicio.

Non cómpre para iso repetir os informes emitidos e os trámites realizados, sempre que non se modifiquen as circunstancias de feito e de dereito existentes no momento de emitilos ou realizalo e sempre que exista crédito adecuado e suficiente.



Copia do documento - Concello de Vigo	Data impresión: 04/07/2024 04:03	Páxina 2 de 4
SUBVENCIONS	CSV: A2A455-B2A45B-8A843F-1D163G-6YCGRT-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



CONCELLO DE VIGO
Secretaría de Goberno Local

Xa que logo, faise necesaria a tramitación desta convocatoria de subvencións como expediente prorrogado ao non concretarse o compromiso orzamentario no ano do seu inicio e executándose con cargo aos orzamentos do ano 2024, no que existe crédito adecuado e suficiente nas partidas orzamentarias 9240 4890000 “*Subvencións a entidades cidadás*”, cunha dotación de 250.000,00 €, e/ou á partida orzamentaria 9240 7800010 “*Subvencións Capital Asociacións e Atrios*”, dotada con 200.000,00 €.

A contía total dos pagos pendentes con cargo ao ano 2024 ascende a un total de **176.200,00 €**, distribuídos da seguinte maneira:

Programas I e II : 117.700,00 € con cargo á aplicación orzamentaria 9240 4890000 “*Subvencións a entidades cidadás*”, a cal conta cunha dotación de 250.000,00 €.

Programas III e IV: 58.500,00 € con cargo á aplicación orzamentaria 9240 7800010 “*Subvencións Capital Asociacións e Atrios*”, dotada con 200.000,00 €.

De conformidade co anteriormente exposto e, previo informe de fiscalización da Intervención xeral municipal, formúlase á Xunta de Goberno Local, como órgano competente para resolver o procedemento, a seguinte proposta de

ACORDO

PRIMEIRO: Autorizar a tramitación do expediente 11183/320 correspondente á “*Convocatoria das subvencións para o fomento do asociacionismo e da participación cidadá para o ano 2023*”, como expediente prorrogado de gasto con cargo aos vixentes orzamentos municipais do 2024, constando crédito adecuado e suficiente nas partidas orzamentarias 9240 4890000 “*Subvencións a entidades cidadás*” e/ou á partida orzamentaria 9240 7800010 “*Subvencións Capital Asociacións e Atrios*”, de acordo aos informes emitidos e os trámites realizados que constan no dito procedemento, tendo en conta, que a contía dos gastos pendentes de pago ascende a un total de **176.200,00 €**, distribuídos da seguinte maneira:

Programas I e II : 117.700,00 € con cargo á aplicación orzamentaria 9240 4890000 “*Subvencións a entidades cidadás*”, a cal conta cunha dotación de 250.000,00 €.

Programas III e IV: 58.500,00 € con cargo á aplicación orzamentaria 9240 7800010 “*Subvencións Capital Asociacións e Atrios*”, dotada con 200.000,00 €.

SEGUNDO: Dar conta da presente proposta á Intervención Xeral Municipal para coñecemento e efectos oportunos.

ACORDO

A Xunta de Goberno local aproba a proposta contida no precedente informe.



Copia do documento - Concello de Vigo	Data impresión: 04/07/2024 04:03	Páxina 3 de 4
SUBVENCIONS	CSV: A2A455-B2A45B-8A843F-1D163G-6YCGRT-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

E para que así conste e produza os seus efectos, emito a presente certificación coa salvedade do artigo 206 do Regulamento de organización, funcionamento e réxime xurídico das entidades locais, de orde do Excmo. Alcalde, en Vigo na data da sinatura dixital.

SGF/me.

V. e Pr.
O ALCALDE
Abel Caballero Álvarez



Copia do documento - Concello de Vigo	Data impresión: 04/07/2024 04:03	Páxina 4 de 4
SUBVENCIONS	CSV: A2A455-B2A45B-8A843F-1D163G-6YCGRT-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		